

# 1 伝 羅貫中「三國演義」

## 第一回 宴桃園豪傑三結義 斬黃巾英雄首立功

話說天下大勢、分久必合、合久必分。周末七國分爭、并入於秦。及秦滅之後、楚・漢分爭、又并入於漢。漢朝自高祖斬白蛇而起義、一統天下。後來光武中興、傳至獻帝、遂分爲三國。推其致亂之由、殆始於桓・靈二帝。桓帝禁錮善類、崇信宦官。及桓帝崩、靈帝即位、大將軍竇武・太傅陳蕃、共相輔佐。時有宦官曹節等弄權、竇武・陳蕃謀誅之、機事不密、反爲所害、中涓自此愈橫。

建寧二年四月望日、帝御溫德殿。方陞座、殿角狂風驟起、只見一條大青蛇、從梁上飛將下來、蟠於椅上。帝驚倒、左右急救入宮、百官俱奔避。須臾、蛇不見了。忽然大雷大雨、加以冰雹、落到半夜方止、壞却房屋無數。建寧四年一月、洛陽地震。又海水泛溢、沿海居民、盡被大浪捲入海中。光和元年、雌雞化雄。<sup>1</sup>六月朔、黑氣十餘丈、飛入溫德殿中。秋七月、有虹見於玉堂、五原山岸、盡皆崩裂。種種不祥、非止一端。帝下詔問羣臣以災異之由、議郎蔡邕上疏、以爲笑墮雞化、乃婦寺干政之所致、言頗切直。帝覽奏歎息、因起更衣。曹節在後竊視、悉宣告左右。遂以他事陷邕於罪、放歸田里。後張讓・趙忠・封翊<sup>2</sup>・段珪・曹節・侯覽・蹇硕・程曠・夏惲・郭勝十人朋比爲奸、號爲「十常侍」。我兵寡、明公宜作速招軍應敵。劉焉然其說、隨即出榜招募義兵。榜文帝尊信張讓、呼爲「阿父」、朝政日非、以致天下人心思亂、盜賊蜂起。時鉅鹿郡有兄弟三人、一名張角、一名張寶、一名張梁。那張角本是個不第秀才。因入山採藥、遇一老人、碧眼童顏、手執藜腰、喚角至一洞中、以天書三卷授之曰、「此名《太平要術》。汝得之、當代天宣化、普救世人。若萌異心、必獲惡報。」角拜問姓名。老人曰、「吾乃南華老仙也。」言訖、化陣清風而去。

角得此書、曉夜攻習、能呼風喚雨、號爲「太平道人」。中平元年正月

內、疫氣流行、張角散施符水、爲人治病、自稱「大賢良師」。角有徒弟五百餘人、雲游四方、皆能書符念咒。次後徒衆日多、角乃立三十六方、大方萬餘人、小方六七千、各立渠帥、稱爲「將軍」。訛言、「蒼天已死、

黃天當立。」又云、「歲在甲子、天下大吉。」令人各以白土、書「甲子」二字於家中大門上。青・幽・徐・冀・荆・揚・瑈・豫八州之人、家家奉大賢良師張角名字。角遣其黨馬元義、暗賈金帛、結交中涓封翊、以爲內應。角與二弟商議曰、「至難得者、民心也。今民心已順、若不乘勢取天下、誠爲可惜。」遂一面私造黃旗、約期舉事。一面使弟子唐州、馳書報封翊。唐州乃逕赴省中告變。帝召大將軍何進調兵擒馬元義、斬之。次收封翊等一千人下獄。張角聞知事露、星夜舉兵、自稱「天公將軍」、張寶稱「地公將軍」、張梁稱「人公將軍」。申言於衆曰、「今漢運將終、大聖人出。汝等皆宜順天從正、以樂太平。」四方百姓、裹黃巾從張角反者、四五十萬。賊勢浩大、官軍望風而靡。何進奏帝火速降詔、令各處備禦、討賊立功。一面遣中郎將盧植・皇甫嵩・朱雋、各引精兵、分三路討之。

且說張角一軍、前犯幽州界分。幽州太守劉焉、乃江夏竟陵人氏、漢魯恭王之後也。當時聞得賊兵將至、召校尉鄒靖計議。靖曰、「賊兵衆、我兵寡、明公宜作速招軍應敵。」劉焉然其說、隨即出榜招募義兵。榜文行到涿縣、引出涿縣中一個英雄。

<sup>1</sup> 赤字は JIS 補助漢字 (JIS X 0212) の文字。  
<sup>2</sup> いの赤字は JIS 第3,4 水準 (JIS X 0213) にも収録されていない。